



Hoe om seremonies vir kinders te leer


Bladsy 1 van 2

Graad R tot 12

Dit is gewoonlik uitputtend om seremonies vir kinders aan te leer, aangesien hulle aandagspan so kort is en daar soveel herhaling nodig is om elkeen 'n geleentheid te gee. Kinders sien en ervaar ook baie keer seremonies as 'n lys van instruksies en aksies waarvan die bedoeling nie altyd duidelik is nie (veral aangesien hulle spanlede dit baie keer nie behoorlik uitvoer nie).

Aangesien kinders so visueel ingestel is en hou van rekenaarspeletjies en video's, is daar besluit om die seremonies op rekenaar beskikbaar te stel!

Nou kan die kinders die seremonies self by die huis gaan leer! Die offisier hoef dan slegs die minimum praktiese inoefening met die span te doen.



Die volgende vier seremonies is beskikbaar as 'n Microsoft *PowerPoint*-vertoning:

- Vlaghysing
- Vlagstryking
- Vlagpresentering
- Vlagverwydering



Voortrekkerlewe



Die Voortrekkers


voortrekkers.co.za

Die vertonings is bloot stokmannetjies waarby animasie gevoeg is, sodat mens kan sien wat die volgorde van die bevels en die bewegings daarna is. Deurgaans is die Drawwertjies aangedui as pienk stokmannetjies, Penkoppe as blou stokmannetjies en die seremonieleier en ander offisiere as pers stokmannetjies.



Stappe

1. Maak kopieë van die seremonies op CD / geheuestokkie vir elke lid van die span.
2. Wys die PowerPoint-vertoning met 'n skootrekenaar vir die span tydens 'n spanbyeenkoms.
3. Wys die vertoning weer en vertel deurentyd HOEKOM dit so gedoen word. Sodra die kinders die logika verstaan, onthou hulle dit ook beter.
4. Noudat die kinders weet wat bereik moet word, demonstreer die gewone bewegings van aandag, op die plek rus, links- en regsom, omkeer, marsjeer, halt en uitree.
5. Bespreek ook hoe bevels gegee word met die regte rusposes en klem.
6. Oefen die hantering van die vlage met vasmaak aan die pale en opvou.
7. Die kinders kry nou elkeen sy/haar CD met die opdrag om die seremonie tuis te gaan leer.
8. Oefen die seremonies nou as span waar elkeen die geleentheid kry om in verskillende rolle op te tree.



Wenke

1. Die Graad 6&7-werkboek bevat 'n duidelike beskrywing van elke seremonie en 'n kopie daarvan kan saam met die CD aan elke spanlid gegee word.
2. Daar is 'n seremoniehandleiding by die Voriemôl te koop. Die handleiding kan ook afgelaai word by Biblioteek.

